

# Jadi tutor lebih banyak masa untuk diri, keluarga

B/HARIAN 12/8/15 MS 69

**Muhammad** Muhaimin Hasnuden, 29, anak sulung Wan Norshakila, memiliki Ijazah Sarjana Muda Kejuruteraan Mekanik, University of Adelaide, Australia kini selesa mengendalikan kelas tuisyen untuk subjek Matematik, sesuai dengan kelulusannya.

Sekembali dari Australia beliau menjawat jawatan sebagai jurutera, tetapi mengambil keputusan bekerja sendiri, sekali gus mempunyai lebih banyak masa untuk diri sendiri dan keluarga, selain memperoleh pendapatan lumayan.

Kini, Muhammad Muhaimin menyambung pengajian pada peringkat ijazah sarjana dalam bidang analisis data.

“Saya mendapati peluang menyediakan khidmat tutor menawarkan peluang pekerjaan dengan perolehan lumayan. Saya perlu mendalami silibus semasa sebelum memulakan sesi pembelajaran.

“Ibu bapa kini tidak berkira, mereka menyediakan peruntukan tambahan bagi mendapatkan khidmat tutor, terutama bagi anak yang akan menduduki peperiksaan.

“Ini adalah peluang yang perlu

diraih, terutama bagi graduan dalam menjana pendapatan berdaya saing,” katanya ketika ditemui, baru-baru ini.

Sementara itu, Muhammad Muhaimin yang kini tutor sepenuh masa, berkata beliau bersyukur dengan pekerjaan sekarang kerana dapat memanfaatkan pelbagai kebolehan diri dipelajari sebelum ini.

“Walaupun jaminan pekerjaan sama ada kontrak atau tutor itu tidak tetap, saya gembira dengan jumlah masa terluang bersama keluarga lebih banyak.

“Selain Matematik, saya mengajar pelbagai subjek sains seperti Biologi, Kimia dan Fizik. Saya mengajar bukan sahaja subjek dipinta ibu bapa, tetapi mengenai kehidupan secara menyeluruh. Sedikit sebanyak memenuhi aspek Kemahiran Berfikir Aras Tertinggi atau KBAT,” jelasnya lagi.

Selain tutor peribadi, Muhammad Muhaimin turut melakukan pelbagai pekerjaan seperti jurutera kontrak dan penulis sambilan bagi menambah sumber pendapatan.

Baginya, selagi usia masih muda dan mempunyai kesihatan



“**Saya mendapati peluang menyediakan khidmat tutor menawarkan peluang pekerjaan dengan perolehan lumayan. Saya perlu mendalami silibus semasa sebelum mula sesi pembelajaran.**

**Muhammad Muhaimin Hasnuden,**  
Tutor



“**Saya lebih suka kehidupan sekarang, walaupun ada tawaran bekerja di pejabat. Masa dapat diurus baik untuk bersama keluarga. Pendapatan pula mencukupi untuk tampung kehidupan,**

**Farahani Husni,**  
Tutor

yang baik, anak muda harus mencari pelbagai peluang dan tidak terlalu mengharap pekerjaan di sektor korporat.

Rakannya, Farahani Husni, 26, turut mengambil pendekatan menjana pendapatan dengan menganjurkan program tuisyen peribadi.

Beliau sedang melanjutkan pelajaran di Universiti Teknologi MARA (UiTM), Shah Alam dalam bidang sains kuantitatif.

Dia yang berada di semester akhir menikmati kelebihan ekonomi GIG dengan menjadi tutor separuh masa.

“Ramai ibu bapa memikirkan persediaan anak menghadapi peperiksaan penting untuk mencapai keputusan cemerlang dan mereka sanggup membiayai tutor peribadi demi mencapai tujuan itu.

“Saya mengajar Matematik kepada calon yang akan menduduki peperiksaan Ujian Pencapaian Sekolah Rendah (UPSR), Pentaksiran Tingkatan 3 (PT3) dan Sijil Pelajaran Malaysia (SPM) di sekitar Lembah Klang.

“Saya lebih suka kehidupan sekarang, selesa bekerja sendiri dari rumah walaupun ada tawaran bekerja di pejabat,” katanya.